



ATA OFISIAL DI KUMITE DI SKOLAS DI BOSTON TASK FORCE DI ADMISON DI SKOLAS DI IZAMI

21 di Maiu, 2021

Kumite di Skolas di Izami di Task Force di Boston fazi un reunion a distansia na 21 di Maiu di 2021 pa 17:00 na Zoom. Pa mas informason sobri kualker un di itens listadus dibaxu, vizita <https://www.bostonpublicschools.org/esataskforce>, email feedback@bostonpublicschools.org ou liga pa pa Skritoriu di Kumite di Skola di Boston pa (617) 635-9014.

PRIZENSA

Menbrus di Task Force di Admison di Skolas di Izami Prizenti: Co-Chair Michael Contompasis; Co-Chair Tanisha Sullivan; Samuel Acevedo; Acacia Aguirre; Simon Chernow; Matt Cregor; Dr. Freeman-Wisdom, Zena Lum; Zoe Nagasawa; Rachel Skerritt; y Rosann Tung.

Menbrus di Task Force di Admison di Skolas di Izami Auzenti: Katherine Grassa y Tamara Waite.

Pisoal di BPS Prizenti: Monica Roberts, Xefi di Alunu, Família y Avansu Kumunitariu; y Monica Hogan, Diretora Izekutiva Sénior di Gabeti di Dadus y Responsabilidadi

APRIZENTADU

[Ajenda](#)

[Ata di Reunion: reunion 14 di Maiu, 2021](#)

[Aprizentason: Uzu di Testi na Admison Siletivu di Skola, Dr. Lorrie Shepard, Prufisor Distintu na University of Colorado Boulder](#)

[Aprizentason: Siguimentu Admison di Skolas di Izami, 21 di Maiu, 2021](#)

[Mapa di Sensu](#)

XAMADA DI ORDI

Sr. Contompasis txoma ordi di reunion. É anunsia ki sirvisus di interpretason staba disponivel simultânea na spanhol, Krioulo Haitiano, Português, Vietnamita, Kantonês, Mandarim, Árabe, Somali y língua Gestual Amerikanu (ASL); intérpretes aprizenta ses kabesa y da instruson na ses lingua nativu na modi ki ta asedi interpretason simultania na muda kanal di Zoom.

Sra. Parvex fazi xamada di prizensa. Sra Grassa y Sr. Waite staba auzenti. Sr. Acevedo y Sra Aguirre txiga dipos di xamada di prizensa. Dr. Freeman-Wisdom txiga dipos di xamada di prizensa y sai antis di reunion termina.

APROVASON DI ATAS DI REUNION: 14 di Maiu, 2021

Aprovado -- Task Force aprova ata di 14 di Maiu, 2021 reunion di Task Force di Admison di Skolas di Izami. Sra Sullivan abstevi.

PRIZENTASON

Dr Tung da benvindu a orador pa noite; Dr. Lorrie Shepard, Prufisor Distintu di University of Colorado Boulder. Dr. Shepard prizenta un rilatoriu titulado, *Uzu di testis na Admison Siletiva di Skola*. Dr. Shepard kumesa aprizenta dilema di nisisidadi di silesiona alunus ku prerikizitus di konhesimentu y abilidadis pa podi partisipa na kontestus akademikamenti dizafiador, enkuantu ta fika sienti ki testis padronizadus é ko-relasionadu ku rendimentu di familia. É splika ki na admison di kolejiu, notas é midjor preditoris do ki testis pamodi notas é kumulativu y notas ta rifleti isforsu ben komu abilidadis akademiku. É splika tanbe ki testis padronizadus ta mostra un diferensa maior entri grupus, prinsipalmenti Merkanus branku y storikamenti marjionalizadu alunus Afro Amerikanus y Latinus.

Dr. Shepard fla ki era inportanti pa sabi ki dadu modestus korilason preditivus, testis nunka ka devi ser uzadu komu ki es fosi mididas perfeitu di méritu. É splika ki tinha dos pontus inportanti a respeito di avaliason NWEA MAP. Primeru foi uzandu Funsionamentu Diferensial di Iten (DIF) ka ta poi testi inparsial, y ki NWEA MAP ta uza multipla skolha ou itens di risposta silesionadu y podi enton ka midi aspetus di Kurikulu Framework di Massachusetts tal komu mudelajen y argumentason. É termina na fla si Task Force skodjeba testi, devi konsidera MCAS komu é testi midjor.

Sr. Acevedo splika ki problema ku MCAS é ki ka sta serba admistradu pa alunus ki ka é di Skolas Publiku di Boston. Dr. Shepard fla ki a nao ser ki kontratador sta dispostu pa pirmiti administrason di testi, distritu ten ki skodji un soluson di minor dinomidor komun ki ka ta ser ideal, pamodi se uniformidadi uniformi normal ka é sempri justu.

Sra. Sullivan pergunta si tinha algun piskiza ki ta apoia noson ki avaliason ta kria un nivel di kanpu pa alunus. Dr. Shepard fla ki ka tinha, prinsipalmenti kuadu és é di nivel baxu, testis multipa skolha Sra. Skerritt pergunta kal ta serba rikomendason di un midida pa indika si alunus

têm abilidadis nisisariu pa ambiente akademikamenti dizafiador, na auzênsia di un avaliason. Dr. Shepard fla ki se puzison ta ser pa uza MCAS pa alunus elijive y NWEA pa alunus ki ka é di BPS. É fla tambe é ta spera ki menbrus Task Force ta konsidera alunus di altu ranking di alimentador school, y ka é un testi.

Sr. Contopasis fla ki é ta pensa modi ki ta identifika alunus ki ta mostra promesa y trabadju ku kes alunus y kompensa putensial jogu di prusesu. Dr. Shepard nota ki notas podi ser jugadu pa inflason di notas, ki é pur issu ki é ta rikumenda odja notas y klasifikason di sala- É fla tambe ki alguns skolas fornesi mas oportunitadi pa ses alunus ki otus skolas, y ki nisisidadi di ser perturbadu, prinsipalmenti na pergunta pa mas informason di skolas ki storikamenti ka tes stadu ta ser alimentadoris.

Sr Chernow pergunta kal ki se opinion na notas y sistema di lotaria ta serba. Dr. Shepard splika ki é pensa ki lotaria dentu tudu kes ki é kualifikadu ta ser pusivel.

Sr. Cregor perguntal pe ispandi mas na noson di sistema moneason di profisor. Dr. Shepard fla ki é ta uzaba nomeanson di profisor y ki topu 10% di alunus djuntu, sima un portfoliu. É akrisenta ki si bu sta fazi topu 10% pa skola, bu sta sigui realmenti partisipason a volta di tudu skolas.

Sra. Sullivan pergunta modi avaliason podi ser uzadu pa djuda kria un pool, mas pa ka ser fator diterminanti di un puzison di sileson. Dr. Shepard fla ki en vez di restrinji sileson, es ta ten un grupu maior, baziadu na testis undi ki tudu alguen era kualifikadu. Dipoz di keli uza otu kriteriu, ou silesiona ku un lotaria. Kela ta serba unforma pa rispondi kel rigor sen fazi sileson di riba pa baxu. É konklui na fla ki é ta aplaudi un rikumendason ki ben di Task Force ki ta fla nu ka devi ten skolas elite ki sirvi disproporsialmenti kes ki tinha privilejiu, sima txeu txeu alunus ta benefisia di tipus di kurikulu ki gosi é asesivel pa apenas kes tres skolas elite

Co-Chairs agradesi Dr. Shepard pa se aprizentason y kontinua ku proximu iten na ajenda: otu kriteriu; rivizon di dadus solisitadu. Sra Hogan partilha mapas y slides ta rispondi dadus solisitadu, y da un vizon geral na modi ki ta djobi kes dadus li.

Proximu es kontinua ta diskuti pusivel kriteriu pa admison.

Sra Skerritt fla ki Task Force podia potensialmenti inisia ku un mudelu ki dja sta konstruidu i vitadu, ambus en pratika, y na lijitason. É fla ki é sta interedasu na mudelu di Chicago, komu és foi di topu pa baxu sileson dentu di grupus, sima Dr. Shepard tinha sugestionadu.

Sr Contompasis aprizenta alguns sugeston pa konsiderason pa kriterius pusivel pa admison pa konsiderason:

- Konbinason di un avaliason y media di nivel di anu skolar.
- Un avaliason podi ser uzadu pa ditermina prontidon di grupu ou podi ser uzadu sima é tinha na pasadu pa ditermina un pontuason spesifiku pa kada di kes partes.
- Dadu konsiderason adisional pa bai ku sistema hierárkiku di manti kombinason di 20% - 80%, ou kontinua ta uza zip codee a renda familiar médiu ou substituis pa setoris sensitáriu.

- Adisiona 10 pontu pa puntuason total di tudu kandidatus aktualmenti ta frikuenta skolas undi ki nivel di pobreza verifikadu é sinkuenta porsentu mas.
- Ten un rivizon periodiku pa distritu na rizultadus ki giridu pa kel mudansa li. Keli ta mesti ser fetu antis di kontratu pa un vendedor é istendidu ou rinovadu.
- Dizenvolvi y implimenta un piskiza anual anonimu di bem-estar pa alunus na três skolas di izami.
- Enfatiza di novu y reten testi na dias di simana pa alunus BPS, y Sábados, pa alunus ki ka é di BPS.
- Reten testi di sen durason pa alunus ki ses Planus di Edukason Individual (IEP) ta iziji.
- Sertifika ki programa rikumendadu pa Task Force, aprovalu pa Kumite Eskolar di Boston, é totalmenti finansiadu na anu eskolar 4 a 6 na tudu skolas di BPS.
- Sertifika ki trenamentu di três simanas pa entrada di alunus di skola di izami é totalment finansiadu y mantidu ao longu di tempu. Apoiu apropiadu devi ser fornesidu duranti anu eskolar tambe.

Sra Lum fla ki é kria diskutiba pusibilidadi di un lotaria. É sujiri tambe ki em vez di djobi familias di rendimentu mediu, pa djobi pa familias na grupu di kandidatus.

Sra Nagasawa fla si és bai ku mudelu di Chicago, é pensa ki es podia perguntaba familias pa fazi auto rilatoriu di ses rendimentu familiar y numeru di menbrus di familia.

Sr Chernow propoi ki es ka fazi testi, en vez foka na kes tres prinsipal kategoarias; GPA, ser un alunu BPS, y status sosio ekonomiku.

Sr Creggor fla ki é inportanti pa poi ben klaru y fasil pa intendi pa familias na distritu. É fla tambe ki é staba intrigada pa pruposta di da pezu adisional pa kualker alunu ki sta frikuenta skolas ku un pruporson mas altu di alunus ekonomikamenti en disvantage. É staba interesadu na mapea topu 10, ou topu X planu pusementu, prinsipalmenti ku alguns di otus fatoris tal komu noson di nomeason di prufisor.

KUMENTARIU GERAL DI PUBLIKU

- Mika Liu, rizidenti Chinatown, alunu Josiah Quincy Elementary school, tistimunha kontra pulitika di zip code.
- Suri Yang, rizidenti West Roxbury, alunu, tistimunha kontra pulitika di zip code.
- Elise Morgan, rizidenti Jamaica Plain, pais BPS, tistimunha en termus di priokupason di prufisoris na manda skolas si prusesu di admison é baziadu na notas.
- Shery Keleher, rizidenti Charlestown, pais BPS, tistimunha sobri pusesu di tomada di disizon.
- Somy Kim, rizidenti Mattapan, pais BPS, tistimunha a favor di muda pusesu admison di skolas di izami di Boston.
- Derun Li, rizidenti West Roxbury, pais, tistimunha kontra pulitika di zip code.
- Karyn Li, rizidenti Waltham, Boston Latin School (BLS) alumna, tistimunha a favor di muda pusesu admison di skolas di izami di Boston.

- Steve Yang, rizidenti West Roxbury, pais, tistimunha kontra pulitika di zip code.
- Lauren Peter, rizidenti Roslindale, pais Sumner school, tistimunha a favor di muda pusesu admison di skolas di izami di Boston.
- Abby Machson-Carter, rizidenti Roslindale, futuru pais BPS, tistimunha a favor di muda pusesu admison di skolas di izami di Boston.
- Yufang Rong, rizidenti West Roxbury, pais BLS, tistimunha a favor di avaliason MAP.
- Yuhong Jia, rizidenti West Roxbury, pais BPS, tistimunha kontra pulitika zip code y da sujeston pa Task Force.

KUMENTARIUS FINAL

Sra Aguirre pidi pa atas di reunion ser traduzidu pa tudu prinsipla linguas di BPS, y mas asesibilidadi di lingua pa tudu materias di Task Force.

ENSERAMENTU

Pa volta di 19:35, Kumite vota pa unanimidadi, pa xamada di prizensa, pa ensera reunion.

Atesta:



Lena Parvex
Asistenti Administrativa